

totomt entwerffung / nicht folgen kan/
Dennoch ha. e. Ich mir hiemit für genom-
men / zu Lob Gott dem Allmechtigen / vñ
seiner thewren gaben vnd wunder werck /
die er vberflüssig bey vnsern Vatern ge-
than / vnd noch teglich bey vns thut /
ein wenig zu schreiben / von den Bieren / in
Sachsen / Preussen / Pomern / Nechele-
burg / Marck / Thüringen / Meichsen /
Schlesingen / Westphalen / Rheinstraum /
vnd fast in ganz Teudtschen Landen / vnd
etlichen umbligenden Königreichen / da
man vor alters Bier gebrawet / oder nu
allererst / da es am Weinwachs mangeln
wil / Bier zu brawen / aus not anfenget.

Vnd dieweil Ich mich in dem / als ein
Doctor / solchs vngewöhnlichen / wie aber
auch etliche sagen wölten / eins solchen
findischen vnd verechtlichen Arguments
vnd wercks vnderstehe / Bitte Ich den
trewhertzigen / gütigen Leser / er wölte
mir h. erin zu gute halten / das Ich an sol-
chem Argument gefallen trage / vnd zu
tractirn lust habe / Ich bekenne es willig
vnd gern / Das Ich wol etwas nöttiger s
vnd besser s schreiben köndte / Aber doch /
so habe Ich zu dieser Tractation lust / Vñ
möchte mir derhalben mit den Bieren
leichtlich gehen / wie es dem Homero / mit
dem Wein / gegangen ist / Aber wie dem
allen / so ist s gewagt / Vnd wie Hüttenus
sprach :